

NIMM'S LEICHT

Nimm's leicht wann da Nordwind waht
Eiskoid wiara Fisch
Nimm's leicht wann da Wind se draht
Weu's ned zun ändern is

Nimm's leicht wann da Kuckuck landt
Direkt in dein Nest
Nimm's leicht host da s Herz vabrannt
Weu's ned zun ändern is

Du kannst Tog und Nocht driwa sinniern
Wos warad wann
Du kannst de Planetn multiplizirn
Es ändert nix dran

Nimm's leicht wannst dei Hirn valegst
Vo heite auf moagn
Nimm's leicht wannst a ned vastehst
Wos ned zun ändern is